



## INILABAS NA BALITA

**ILALABAS KAAGAD:** Ika-27 ng Pebrero, 2019

**MAKIPAG-UGNAYAN KAY:** Aaron Richardson - 415.749.4900

### **Magbubukas ang may pahintulot na panahon ng pagsusunog para sa mga pagsusunog para pamahalaan ang latian**

**SAN FRANCISCO** - Inaanunso ng Distrito ng Pamamahala sa Kalidad ng Hangin ng Bay Area (Bay Area Air Quality Management District) ang panahon ng bukas na pagsunog sa tagsibol para sa mga pagsusunog para pamahalaan ang latian na magsisimula sa Biyernes, ika-1 ng Marso.

***Sa ilalim ng patakaran ng Air District, hindi magdedeklara ng mga araw ng pinahihintulatang pagsunog kapag pinaiiral ang Winter Spare the Air Alert (Alerto na Iligtas ang Hangin sa Taglamig) o kung ang rehiyon ay nakakaranas ng malaking epekto ng usok mula sa mga apoy sa gubat.***

Nagtatakda ng mga pagsusunog para pamahalaan ang latian para sa pagpapaganda ng latian para sa tirahan ng mga mababangis na hayop. Ang panahon ng bukas na pagsusunog para pamahalaan ang latian ay magaganap mula ika-1 ng Marso hanggang ika-15 ng Abril. Ang lahat ng pagsusunog para pamahalaan ang latian ay dapat ituring na kinakailangan ng Kagawaran ng Isda at Mababangis na Hayop ng California. Walang pahihintulatang pagsusunog sa anumang piraso ng lupa nang mahigit sa isang beses sa anumang dalawang taong panahon, at hindi maaaring magsunog ng hihigit sa 100 ektarya ng anumang ari-arian sa isang araw. Bago ang pagsusunog, ang mga pagsusunog para pamahalaan ang latian ay nangangailangan ng Plano sa Pamamahala ng Usok na inaprubahan ng Air District, pagbabayad ng singil para sa pagsasagawa ng bukas na pagsunog batay sa iminungkahing ektarya na dapat sunugin at pagtanggap ng nakalaang gagastusin para sa araw-araw na pagsusunog ng ektarya mula sa Air District.

Ang mga nagsusunog ng latian ay dapat tumawag sa 415-749-4915 bago ang alas-12 ng tanghali bago ang araw ng pagsunog at mag-iwan ng mensahe kasama ang pangalan ng ari-arian at dami ng ektarya na dapat sunugin. Karagdagan ito sa dati nang kinakailangan na dapat tumawag ang mga nagsusunog sa 415-749-4600 sa pagitan ng 8:30 at 11:30 a.m. sa umaga ng nakaplanog pagsunog bago simulan ang pagsunog upang matanggap ang kanilang nakalaang gagastusin para sa ektarya, batay sa taya ng panahon sa araw na iyon.

Hindi pinahihintulutan ang mga pagsusunog na ito bago ang 10 a.m. o pagkatapos ng 3 p.m. Hindi dapat magdagdag ng materyal ang nagsusunog sa dati nang sinunog o hayaan ang apoy sa harapan ng dati nang sinunog pagkatapos ng 3 p.m. Ang susunod na panahon ng pagsusunog para sa pamamahala sa latian ay gaganapin mula ika-1 ng Setyembre hanggang ika-15 ng Oktubre, 2019.

Dapat ding magtanong ang mga inaasahang magsusunog sa kanilang mga lokal na ahensiya sa sunog at sa Cal Fire para makakuha ng pahintulot sa lugar at mga kinakailangan para sa kaligtasan sa sunog. Ang mga unit ng Cal Fire ay maaaring may mga karagdagang paghihigpit na ginagamit, kaya makipag-ugnayan sa [lokal na istasyon ng Cal Fire](#) sa iyong komunidad.

Kinokontrol ang bukas na pagsunog dahil sa epekto nito sa kalidad ng hangin. Ang ilang pagsunog para sa mga layunin na pang-agrikultura, pagkontrol ng baha, pagsasanay para sa sunog at ang pag-iwas ng mga panganib

ng sunog bukod sa iba pang layunin, ay pinapayagan kapag kanais-nais ang mga kondisyon ng panahon para sa pagkalat ng usok, karamihan sa mga ito ay sa panahon ng mga tinukoy na panahon sa buong taon. Bawat araw ng taon ay itinalaga bilang araw ng PAGESUNOG o HINDI MAAARING MAGSUNOG at ang mga pinahihintulatang sunog ay maaari lang isagawa sa mga itinatag na panahon ng pagsunog sa isang itinalagang araw ng PAGESUNOG.

Ang mga kinakailangan para sa bukas na pagsunog ay naaangkop sa rehiyon ng Bay Area na may siyam na county, kabilang ang Alameda, Contra Costa, Marin, Napa, San Francisco, San Mateo, Santa Clara, timog kanlurang Solano at katimugang mga county ng Sonoma.

Makikita ang regulasyon ng Air District sa bukas na pagsunog (Regulasyon 5) sa: [www.baaqmd.gov/rules](http://www.baaqmd.gov/rules). Makakakuha rin ng impormasyon tungkol sa bukas na pagsunog sa walang bayad na numero ng Air District sa 1-800-HELP AIR (435-7247).

Ang [Bay Area Air Quality Management District](#) ay ang panlalawigang ahensiya na responsable para sa pangangalaga ng kalidad ng hangin sa Bay Area na may siyam na county. Makipag-ugnayan sa Air District sa pamamagitan ng [Twitter](#), [Facebook](#), at [YouTube](#).

# # #

---

*Opisina ng Mga Pakikipag-ugnayan ng Air District*  
*375 Beale Street, Suite 600, San Francisco, CA 94105 - (415) 749-4900*  
[Homepage ng Air District](#) | [Mga Paglalabas ng Balita](#)